

陶文毅公全集

陶文毅公全集卷五十一目錄

文集 賦

擬鮑照舞鶴賦

擬沈約高松賦

擬集賢院山池賦

擬宋璟梅花賦 有序

擬姚元崇撲滿賦

擬李程日五色賦

擬李君房白獸樽賦

擬白居易動靜交相養賦 有序

擬白居易賦

擬文彥博青圭禮東方賦

擬庾信小園賦

代有序

擬李商隱蠶賦

十五歲作

擬陸龜蒙蠶賦

十五歲作

文集 賦

擬鮑照舞鶴賦 以題爲韻

偉胎化之珍禽澄浮邱之仙紀弼金氣以粹神
火精而通理瑰長喙以亞膺婉洪髀而纖趾毛浮
毳於雪柔頂凝煙於山紫載集在林或依於水戛
然一鳴雲霄萬里誇羽客之騏驥匪雞羣之能擬
灼爚修翎攫拏長爪貌都以閑姿清而狡飛邁鴻
冥颺非鷹飽疏節豁乎風煙逸氣空乎蘭鮑朝整
翩於蓬壺夕戢翼於峰渚何倦羽之若投入華堂
而羈撓夢江海其旣遠憩天嶽於機巧於時遠水

昏氛冷風料峭冰葉晨砭風窗夜呌苦霧欲沈寒
暉不耀爐火爲之滅燂悲筇爲之澀調旣而露屑
天空雲歸海嶠片月忽升疎星四照感風雨於雞
鳴憶故山之猿嘯遂起舞以崢嶸煜流光而纖妙
隆鼻低張丹晴微嚙竦趨身輕激昂力努始鷹睺
以氣舒旋雀躍以髀拊安步宗規迴翔翼矩因輕
得軒將仰仍俯側儻縱橫無能摩撫鸞鳩何搶商
羊何舞寒光閃乎一團目色迷乎五組颯沓揮霍
恍恍熠灼乍如朔雪交飛漠漠又如霜毛盤空不
落來如雨止去如風作風雨迷離不可湊泊觀者

神移值者駭愕晃毛羽之無分散劍花而璫錯及
定息以凝神猶光彩之鶴鶴斯時也燕雀慚侶鴻
雁失步笑卑棲之鶴鶴陋趨食之羣鶩方將在陰
應占鳴皋入賦驂子晉以凌虛動羊公而起顧十
二鳴兮順晝夜之經千百齡兮茂陰陽之數歌曼
壽而舞清觴允高騫乎皇路

擬沈約高松賦

以題爲韻

卓然不撓者惟松而已矣翬綠影以旁侵干青霄
而上擬中天之雨露常多上郎之園林斯美夫其
五鬣呈奇千霜計稔皮曲蜒鑄鱗疎虬鉸老氣森
森古光凜凜吟風而響和竹筠溜雨而膏流榆沈
遠翠襲於鶯庭清輝流於燕寢若乃葉疎煙空枝
撐寥廓紅日長扶白雲有約天影自寒風聲不落
望月桂以榮齊拱星榆而蔭託根深得固心抱能
牢節貞冬底氣鍊秋高蝕古時之風雨激良夜之
波濤栖或聞平鸞鳳路欲絕乎猿猱於時名園水

滿綺閣苔鬆青交暝色黛潑晨容開繞徑之綠竹
引偕游之赤松巖樂之徒咸集鄰枚之客斯從爰
乃依嘉植以游神席圓陰而領趣彩結詞條思縈
煙路鶴夢遙驚鸞音微度飛麗句而如花立清標
而若樹又何羨乎兔園之會與文木之賦也哉

擬集賢院山池賦

以題爲韻

試屣步兮瀛署之中渺煙霏而雲起院竦蔭以環
山池亘冥以瀦水吸崑崙而能方規晶宮而堪擬
隔塵璫於人天拓風華於淳峙夫其金馬儷陳石
渠環浥楠杞儲英琳琅箋炳東壁之星躔對西
清之階級列冠蓋而蟬聯薈簪裾而龍集八軔之
影中分三殿之陰旁入若乃巒迴碧巘澗瀉紅泉
屏嵐滴翠鏡月披鮮激坳而縈束帶覆簣而累一
拳憲結瑤於景福眇駢石於崇賢望氣韞方壺之
寶倒影流圓折之璇咏溯洄而宛在撫邱壑而浩

然則有蒼額宗游綠衣族嘯鸞嘯風條鶴栖雲片
扶留擢幹以萋離威喜抗莖而蔥蒨挹蘭佩於楚
皋照蓉冠於花甸芳生扇玉之堂春滿條鈴之院
恍穿磴以興懷直臨淵而欲羨爾乃俯嶸嶸瞰淙
潺坐月沼踞雲關偕金蓮之勝侶連玉筍之新班
啟琅函於宛委紉璫帙於酉山纖埃不動流水長
閒如遊瓊島如泛銀灣涼風旣發秋興方滋雨漲
疎桐之葉香飄叢桂之枝藉槐廳而容與席苔岸
而低渥晴暉接於雀觀靈液引於鳳池掃白雲兮
極目鑑清溜兮疑思豁神襟之爽氣抽仙管之奧

辭乃知中祕宜窺何假小山是賦飛峻賞於天游
契沖期於神遇紫霄之風月常新絳闕之煙霞自
護笑兩屐之遠尋嗤扁舟之遙驚願長對夫清陰
庶高驤夫王路

擬宋璟梅花賦

以題爲韻
有序

廣平梅花賦宋時已逸今世所傳蓋好事者綴
取李綱賦語爲之託爲感士不遇而甚以閨閣
之辭竊謂皮日休所云不類廣平爲人者特言
其清便富豔作徐庾體耳未必如賦中所擬且
於梅非倫也斟酌其體而易其辭庶爲梅解嘲焉
秉孤芳而能豔者惟梅而已夫其冶鐵爲根鏤金
作蘂素魄融霜芳魂鍊水孳春意而隳青呀冬心
而蓓紫萬象未交一塵不滓豈有俗氛何煩摹擬
迺有抱真居士撫時諷誦偶步閒堦忽思清供睹

明月之新鋤記和雲之舊種曰此梅也而儕於菲
葑清宜晚節誰從彭澤之陶淡比貧交宛挹漢廷
之宋其爲質也琅琅其爲神也罔罔其爲息也深
深其爲氣也耿耿其結體也緣密而見疏其燦華
也用嚴而得整珠光欲綻疑川暖以浮珍玉色交
輝訝山明而懷璟霞管飛灰韶律始催乍如珊瑚
小綴玫瑰又如瓊屑紛灑瑤臺寒煙欲暮古雪初
開如彼佳客乘月而來空山有影流水無埃如彼
遠人自厓而同銀笙吹夜綺閣傳杯如彼畸士玉
山瞻裴羣鸞縹緲獨鶴徘徊如彼仙隱吳市棲梅

綽約之姿藐若龍念之氣佳哉維時綺桃黧色縹
李慚華杏落仙人之囿槐封博士之衙至於葳蕤
紫飾狎獵紅葩煙枝捎蝶露葉藏鴉或貽芬於芍
藥或倚樹於蒹葭或含顰於楸檟或表蒨於藍苓
莫不離披風雨散亂煙霞望家丞而隕實付匠石
以摧牙曷若茲生香一片春色萬家東閣吟成正
陽氣開三之候南枝發出作人間第一之花乃知
質本生初材因天賦飾末者炫俗而易零葆中者
辭榮而彌固居士於是俯而思仰而悟不搖爾精
以貞其素遂抽祕而聲之俾毋忘此嘉樹

擬姚元崇撲滿賦 以題爲韻

夫惟哲人平情燭理凜利揭於謙流悟持盈於坎
止口不言錢心原似水識有滿之必傾察多藏之
易毀因借物以防閑用澄懷而揣擬爰有撲滿質
異樽瓢沙泥融會土礫和調口侔囊括底類鑑焦
磊魄何多諦視而居然蟠腹彭亨莫辨摩挲而圍
此寬腰錯疑道畔拋餘土搏媧后詎是河濱陶就
製倣虞姚觀其圀圖在望形體徒存中涵虛而善
受外聳峭以難捫無底可尋探應似橐有容乃大
聚或如盆妙在空空內蘊孰窺其奧窔成原混混

重扁莫叩其闢元爾乃收茲赤仄納彼黃銅五銖
是聚三幣斯充飛自翩翩幾陣落青蚨之雨搖還
樹樹連番飄翠莢之風恍如入自穴中人同郭氏
一似呼來井上器覓仙翁見其入而不見其出綳
於外遂以積於中泉取其流此日竟忘夫水監寶
真有藏數堆直訝夫山崇然而器小易盈物終必
剝彼何恃而滿簾恐難完其太璞是中有物固韞
積以能藏此壑旣填乃墮甌而弗覺方瓦全之得
計任謂千金及土解之無餘依然一璞閱幾時之
積累俄焉已失其憑依話半劫之灰塵倏爾遂歸

於摧撲乃知理有盈虧數有修短封靡者不異倚
冰聚斂者徒爲累卵烈深山而焚檻象以齒堅採
芟月而刈胎蚌因珠滿惟天道之惡盈洵人情之
宜管念圭璧之在修何銖鎰之用筭斯鄒長蘅所
以遺書而平津侯遂起招賢之館也士也砥礪孔
深操持有素惟觀象於欽器而自矢精誠豈表潔
於浴盤而或傷賄賂不貪爲寶允懷古哲之風無
玷可磨庶緬雅人之賦

擬李程日五色賦 以題爲韻

日乃君象聖與天擬惟天心協乎聖心斯帝晷昭
於日晷瞻之在上燦五色以輝流煥乎有文潤重
霄而雯起夫其宮奠九華徑剪千里環別單雙道
分赤紫耀吐火以熙然氣含金而倬彼周天有數
出海東而輪已扶義測土有儀過柱下而官還問
李然而麗中天而燭采遵上道以舒程兩珥聿徵
夫焜耀重輪式煥其光明騰黃見二人之守駿烏
標三足之精跡其華滿十枝莫匪天家之上瑞要
異輝呈五德隱符帝載之難名則有金鏡初升玉

盤乍出映雉扇以熹微
厯鳳樓以麗密過東門兮
藹邵圃之瓜華拂咸池兮
炫楚江之萍實宛滋寶
露瀼濃軒帝之年恰似卿
雲紉綬唐堯之日旣而
道值方中燭隆當午立疇
宮兮照三望長安兮尺
五佳氣繞而星連清暉迎
而煙吐光搖輒砌平開
媧后之天影直花陰遠借
徐州之土徒觀其貞焉
以明行焉無極羌煜煜於
登光復煌煌於入息躡
流景而花馬騰輝翼末光
而馴暈動色襯餘霞於
天表何啻千層引弱綫於
閨紋憑添一刻禎祥用
協乎上台臨照遂敷於下
國是知徵應天庥德隆

天賦精通於象帝之先極協乎遵王之路必氣和
而上蒸乃祥凝而遠布觀懸象之光昭知維皇之
德裕歌聞復旦一人端錫福之原瑞紀方升四海
愜傾葵之悽

擬李君房白獸樽賦 以題爲韻

酒以合歡日多且旨施虎於樽其倫曷擬蓋以君
臣會合有如醴醴期謹論之沃心豈忠言而逆耳
陋仗馬之不鳴嘉於菟之奮齒陳而設也當夾陛
之棘槐否則威之異無言之桃李當夫王春紀月
正旦書雲龍鱗日繞雉扇晨分露滴坳而螭立煙
馥鼎以猊熏凜鴛行兮孔肅隔雀噪兮不聞覩陳
樽於殿角乃蹲踞乎山君其視眈眈其氣昌昌毛
鬣大白目閃中黃尾殊狼戾口訝鴟張走禽狸兮
有赫配籩豆兮大房豈曰服猛示茲羣策勿憚編

鬚應無射額。彪哮宜威鬣。鬚表澤。念同心於壚谷。
汝宜發議以生風。豈履尾而啞人子。乃味言而浮。
白旨酒。用斟嘉言。克售酒有德。馨言無卮漏。以言。
足志類。牙觸之禦乎邪。有酒樂賓。比鹿鳴之興乎。
獸禮有嘉會。辭不憚煩。正色發爲莊論。明君可與。
忠言毋畏威。而氣懾在用嚴。而道尊厭厭者不同。
於夜飲熙熙者。可擬乎衢樽。以此爲防。能成其務。
象諫鼓之在陳。與善旌而同樹。醉心兮語覺其醇。
毅顏兮忌無可顧。夫是以合聽則聖。而虎變之大。
人莫不拜手。颺言曰聰明天賦。

擬白居易動靜交相養賦

以題爲韻
有序

一動一靜陰陽之義也盈虛消息聖人言之詳
矣竊見夫立身從事往往多愼踴者蓋由不知
所養也故爲賦以見意且自箴焉

天地之道有終有始庶物之則爲行爲止是謂動
靜之根實寓循環之理得其養而兩有所成失其
養而一無可恃斯良以敦而震以號頤養之象維
昭山以止而泉以流蒙養之端可擬也曷言乎動
其氣爲闢龍何爲而躍淵駒何爲而過隙爐何爲
而耀紅室何爲而生白藉非動也奚以時行則行

與道大適曷言乎靜其端本虛闔何爲而有戶歸
何爲而有墟神何爲而有谷尾何爲而有閭藉非
靜也奚以時止則止常於厥居故從其朔而觀之
由一生二奇而爲才之三偶而爲象之四其靜於
中者隤然示人以簡其動於外者確然示人以易
及自其著而觀之窈然鴻洞顯之可察於鳶魚微
之不遺於蟻蠓其動也以靜而無靜其靜也以動
而無動由是養之於內則期於自省若寶氣之隱
含而金光上炳若玉質之中深而晶輝四罔奚以
知其然曰動基於靜由是養之於外則絕夫物交

若淵泉之暢達而性海無膠若英華之發越而元
絳自包奚以知其然曰靜毋動淆然則養氣者中
和之德勿毗柔剛養化者太上之道務變陰陽於
以贊生成於大造於以勉綱紀於其相若夫養之
於大體而協氣成象養之於小體而握苗助長惟
操舍旣判於須臾斯得失遂分夫霄壤斯豈降材
之有殊哉異諸所養至矣乎動靜之際聖賢所務
不及或入於游移太過或鄰於馳騫欲出處之不
搖必持守之甚固是以柱史養神子輿養素皆人
功也遂以匡夫稟賦

擬白居易賦賦

以草初荀宋恢張賈馬爲韻

賦者五經之鼓吹文章之黼藻也規漢魏以通衢
拓周秦而闢道鋪張鴻業義取揄揚游泳龍光風
歸肆好蓋以宣德達情遠稽近考總藝苑之菁英
而不徒顯騷人之香草溯自侯燕歌新操輦韻暢
瑟潤義張簧喤娉嬈轅童之節能諧壤叟之音無
恙及六義之載周禮先比興而敷雅言與九能之
爲大夫因登臨而發高唱然猶賦之萌芽而未極
乎體物而瀏亮爾乃風釣賦宋智禮賦荀或日斜
而紀庚子或誕降而朔庚寅或對雪而命枚叟或

凌雲而夢大人摘事則長楊五柞紀瑞則赤鴈白
麟一千餘首之篇章既徵於奏御七十八家之體
製咸見於敷陳音既中雅詞還合頌質茂含章文
勇足用將以表咏歌聯諷誦追廣載於唐虞證遺
聞於杞宋百態悉入其牢籠萬彙羣歸於錯綜盛
德發形容之妙簡在廟堂高文垂典冊之光班於
侍從惟其麗則之不踰是以英華之足重其結體
也正而大其徵事也典而該其會意也穎而澤其
設色也奇而瑰蠶繭未抽方運思之密密牛刀既
奏乃游刃以恢恢徒觀其紬於五組織以七襄歎

飲則風雲動色摹繪則日月流光如玉之潔而暉
呈虹氣如珠之貫而媚起龍堂如十二律之合於
聲而宮徵徵嚙如廿八宿之羅於次而箕舒翼張
是以抽祕騁妍者旣彬彬以郁郁而蹈德詠仁者
遂炳炳而烺烺矩秉心儀鑑融心冶惟都鍊以京
研在稟經而酌雅道不謬於聖人堂乃登於作者
觀千賦之能讀有志可成慨六代之多浮其風斯
下彼夫四聲八病法徒泥乎沈侯若乃一字千金
裝必還乎陸賈我國家取士設科酬庸錫嘏簪組
集乎班揚文學追乎游夏鳴和聲而鳳已應凰御

長途而驥還率馬沛紫綸以籲俊言焉工則麗之
準黃絹以抒辭賦者詩之流也

擬文彥博青圭禮東方賦

以題爲韻

氣茁於東德資乎始維辨色以制宜迺因方而步
祀物生必銳取諸圭以成形木盛在春肖乎青而
介祉豐融之貺是甄溫潤之珍可擬欽哉帝典郁
矣周文因天地則璧琮有制準秋冬則璜琥攸分
惟介圭之用錫同輯瑞以敷聞人生於寅展禮在
春官之日帝出乎震先時書太史之雲蓋以將誠
於玉帛非徒考典於亭云當夫薄凍纔消微和潛
扇黍暖陽回葭吹律變梅始含芽柳方漏線林間
之紫燕將飛枝上之黃鸝未囀咏蒐田於祀戊甫

簡車徒省鑾輅以練辰初從碩彥是爲春及之芳
期於以迎祺而錫羨逮夫雨水晨滋弧星夜爍冒
卯機新由庚道博杏葉昌昌桃華灼灼候十枝而
采麗道是東升澈五色以暉騰時方東作是爲朝
日之良辰於以寅賓而致恪時則苾芬有秩肸蠭
惟馨儀以多而及物祀不黷而合經踐其位焉類
臨朝而稽璫昭其敬也匪將幣以實庭惟九天垂
左運之樞故祭法天而先尙乎左惟五帝首青陽
之令故諦秉帝而必始乎青其儀則備其用維圭
圭取其方想修堂而抱蜀圭言乎潔比浴德以徇

齊四德以東方爲元類圭之有旨以爲覆百谷以
東方爲委如圭之有藉以堪攜德粹無瑕文成有
體垂五采五就以爲華異四圭兩圭之有耶將以
和玉牲薦瓊醴先四望以告虔配五方面成禮工
非刻楮光生陌路之融融質本出藍輝映朝班之
濟濟豈不以物惟其稱色貴乎衷惟春爲四時之
始惟圭爲十德之充鼂采欲流入座則剛凝寶露
祥煙遠潤應時而已告協風侔執玉之敷施光於
亥旣聽鳴珂之匝匝應以丁東况復青絲鞭裊青
幕帷張千呂而青雲晝見合景而青氣晨颺侍袍

笏之千官染疑青草漾旌旗之一色颺入青楊莫
不羣分有物類聚以方服蒼玉以琤璫珍同延喜
理紺珠而璀璨神是勾芒是則大一統以元書履
始和而令布生成之德彌崇虔鞏之忱必裕廉而
不斲因知泰始之功仁以爲施是協春皇之務所
由孚中行而用圭是占歌令聞而如圭載賦惟夫
慶肇於履端是以麻凝於洪祚

擬庾信小園賦

代有序

庾子山江陵名士新野望宗遭值屯艱詞多哀
怨笛弄孤生之竹時觸恨於山河琴調半折之
桐每愴懷於風雨位雖執笏意在抽簪大隱成
歌蓋是斷猿之響小園名賦匪同雌霓之辭而
令狐以爲誇目蕩心殆不其然暇日有懷輒依
韻擬之云爾

若夫嶢谷儻徊鼻嶽封坏激坳水引鑿石雲來累
簣而營寸岫浮芥而覆一杯有汾右編蓬之戶無
鄴中稱木之臺蘿繞卉居蘚縈芳步豐草半畦寒

花一樹篠曳鸞音桃通鶯路水雞競響於官私賓
雀忘形於喜懼花橫簾清波散簾交漏清輝於殷
磴帖畫墀於盤坳際蜷延之蝸舍息寥歷之螭巢
雖無門而容駟羌有木以懸匏鶴夢兮忘飢雲歸
兮遲遲窗角密兮團桂檐髯疎兮葢茨鹿明籬眼
蛾露山眉吹煙杞狗吸露苓龜練幘優游之地繩
牀偃仰之時發喁喁於翠羽俯撥刺於銀絲寄逸
少之新賞聽茂先之故悲方擬地豁蓬蒿徑闢松
竹挹北海以飛觴對南山而采菊千籟泐夫蕙蘭
朝光灼夫蘼蕪何必丹楸之居何必紅梁之屋已

謝麗於珠栢允韜華於金谷憩息綠陰朋來盍簪
消閒豆落課暑瓜沈聊驟情於遙想更寫慮於幽
尋脫足荆榛之外放懷風月之林人無塵抱樹有
古心藉苔岑而作席聆泉竇而如琴爰乃清消辭
令恬頤道性中散則丹棘忘憂角里則紫芝卻病
洞稱鑰於元關繫義輪於陽鏡遂捐組以息機用
養生而知命然而回首金閨往事分攜緯慚周婦
衣泣王妻瞻暮雲之度嶺望寒水之連畦天空路
遠沙闊煙低歎投林之無策徒越坂以長嘶嚴風
夜嘯涼雨飄餘哀鴻有曲遰雁無書檣明荻浦秋

老榛墟寂寞揚雄之宅荒蕪宋玉之廬心轡泉竭
膚塵輒裂愁懷共野草連絲離思與夕陽明滅指
煙路以神飛鑒霜臺而髮折東山感絲竹之音南
浦恨關河之別溯遠夢兮濛迷渺鄉情兮闊絕屢
聞越客之吟空賦梁園之雪撫素綯之茫茫悼歲
華之空晚侶精衛而誰填望驂騑其已遠腸若輪
兮屢迴心匪石兮奚轉悵迢遞兮天涯隔坡陀兮
隴坂庶初服兮克酬期與問夫太渾

擬李商隱蝨賦

十五歲作

或國於禪或廬於髮迅迅以行柔柔而齷齪之如
輪射也其神捫之而談旁若無人

擬陸龜蒙蠹賦

十五歲作

物必朽也而後蟲生人必穢也而後蠹成穢苟能
除蠹豈敢居蠹香毒潔蠹則弗如

陶文毅公全集卷五十二目錄

文集賦

太液晴波賦

自彊不息賦

春秋元氣正天端賦

黃鍾養九德賦

人情以爲田賦

六事廉爲本賦

王道正則百川理賦

應天以實不以文賦

益地圖賦

去害馬賦

鴻毛遇順風賦

修竹不受暑賦

冬蕉卷心賦

桐生茂豫賦

文集 賦

太液晴波賦 以題爲韻

右掖之隅有池焉繚

宸垣而環襟帶制豁達以滂汪體濔澗而杳靄紫氣接
於瑤霄祥氛臨乎華蓋望有春波渟無纖縑揭萬
流之總滙水如鏡以涵中浮一氣於混茫極有泉
而號太夫其剖對疏根刊危導脈雷轉巖礪雲開
石剗挂有重簾裂惟正帛花瀉磴以流紅珠跳厓
而濺白山頭之雪色長飛湖外之星光遠射播靈
源於天上但有瓊漿分神溜於人間無非銀液爾

乃霏微過雨激澹舒晴三篙乍暖萬頃初平桃花
漲輭柳絮香輕壺貯冰而脈脈盤帖玉以盈盈遲
日正麗微風不生神山在望流水無聲控

殿閣以煙浮十分澆朗浸樓臺而影直一片空明維
時青垂橋棟黛綰峰螺絲輕綴藻葢小抽荷鳧邊
露溼鷺外風和紋新漾縠浪細皺韡挹西山而氣
爽拱

北闕而雲多况復

瀛臺翠律

瓊巒嵯峨

園鄰豐澤

御輦時過視

鴻祚於萬年斯稱德水湧龍文於百斛悉是

恩波以游以泳乃賡載歌歌曰盤園島上花鏡寫池邊

樹樹暖花香水欲波悉是吾

皇新雨露又歌曰底須黃鵠下不唱秋風句萬頃晴波

浩蕩春臨流發咏

臣能賦

自彊不息賦 以君子以自彊不息爲韻

憲天曰聖體天者君天流行而有則聖敷化以維
殷不息謂誠理原通於化育自彊則健道乃合於
精勤法三百六十五度之精上行因而下效揭三
百八十四爻之首察理尤在觀文溯夫成象成形
太初太始龜錄未呈龍圖肇起卦畫一於幾年爻
因重於周紀負以陰而抱以陽闢乎丑而開乎子
惟乾元用九之文具太極函三之理摩盪依於八
卦變化無方周流極於六虛循環不已惟其高明
在上克剛垂天德之光是以悠久無疆不息協君

人之旨爾乃粹秉降衷精嚴顧諟執喜怒哀樂之中示元亨利貞之軌命爲天命必閑其邪以存其誠君卽天君在察所安而視所以大而化之謂之聖德於是其至乎神而明之存乎人爻亦在其中矣然而上下殊形高卑異位晝夜相互而明生寒暑相推而日至黃赤道之回環旣易氣本潛通東西宅之遞嬗靡窮神原無累執渾儀以爲較量之術猶諸測海以墟仰圓蓋而深擬議之端難語知風之自爲揭其要莫若自彊彊之德利用堅堅於中者外必固強之義取諸壯壯於始者終允臧九

德通亮采之精惟強可先義三德著平康之則惟
強乃克剛於以瞬存息養於以日就月將道不畸
於重輕惟中惟正意常凜於安肆以敬以莊由是
積於內而不搖持於躬而靡詘無言者自妙行生
不測者莫窮起訖藏原無盡操存靈府之晶瑩體
本常惺出入元關之軋芴誠之通而誠之復可求
諸原始要終德之裕而德之修不闕於來伸往屈
蓋惟精通於穆契沖漠以悠然故能德合無私統
尊親而莫不

皇上位五乘時登三懋極觀法象而自協敷施企

圓穹而默參消息猶且

聖不自聖抱蜀彌殷精以求精潔齊是力無逸式康田
之

訓德淳嚴恭在勤昭耕織之圖道歸正直

福隆禹範康彊徵吉於九疇

論著

經筵彊固符庥於十翼

春秋元氣正天端賦

以題爲韻

稽名言於繁露見筆削之精純文則因乎魯史朔
必用乎周辰資始者氣之元爰書元以首歲求端
者王之道乃書王以次春秉命自天故天時正而
氣成乎物體元則大故大統正而天依於人夫其
繼雅南而有作同高亦以旁按規典謨而遠紹斥
墳索以精求論嚴月旦字凜霜秋一十二公之遺
聞事必賅諸董狐南史二百餘年之掌故辭莫贊
於卜夏言游故曰天子之事惟夫聖者能修若乃
如衮如鉞載筆載言其文則史其事堪論卽開端

而可見實精義之所存四大之號首天必原天而
大其統萬物之生在一必式一而定所尊維天不
可以計年故不書天而書正維一不可以冒物故
不書一而書元於以定時於以宣氣旣和律以調
辰乃炳符而光緯省惟歲而省惟月惟帝無私還
爲本而還爲宮當王者貴玉燭紀四時之瑞因之
澤洽鴻龐珠衡齊七政之輝不俟書懸象魏數旣
合天功還作聖履之而導於和敷之而協於政以
之正已如轉運之有樞以之正人如指揮之有柄
以之正百官而秩敘如網之在綱以之正萬物而

平康如水之有鏡蓋惟其開物成務位在德而必
稱乎元是以原始要終建有極而咸歸於正懿矣
哉元之爲義物之所先旣覆物以載物乃承天而
統天契其眞萬方於焉在宥握其要六氣遂以交
宜體仁而理乎人善之長也敦仁而守乎位德莫
大焉彼夫道推名母化溯音官啟三微之祕鑰剖
太極之邃觀黃鍾爲萬事根故元律調而聲之正
者候無忒子極列四維首故元闢闢而居之正者
物自安良由御氣而得天之統遂以憲天而識氣
之端文萬旨千卽此範圍不過登三咸五從知諧

變無難方今

聖日光輝

恩風煦嫗居正而

天德彌精用正而

天庥是裕鑑懸秋爽昭宣元氣之流行臺仰春熙鼓舞

元功之布濩錄延紀萬思將麟管以書釐治懋函

三願向

螭坳而獻賦

黃鍾養九德賦

以題爲韻

道始於廓德合无疆函三才於太素調一氣於中
黃惟五六之位合統億萬以精藏斷兩節間而成
聲音通乎律作萬事根而養德義取諸陽斯大禹
吹筠府事協疇圖之祕而州鳩論樂中和昭律呂
之詳也溯夫賦於天者有德資於人而克從配五
行於五事敦五典與五庸六行依於四教九穀生
以三農暨五材之節用與五壤之正供大而綱常
倫紀小而豆區釜鍾分之爲六爲三建以中而歌
夫功敘合之是一是二總以九而協於陶鎔然而

資始資生成形成象不測者德之窈冥不已者德之摩盪非有主以觀其會通奚知化而窮夫圜塊惟黃鍾之爲律元啟中聲而成胚養八十四調之轉換既原始而要終二十四氣之流通悉知來而藏往和其聲以鳴盛登成宛會夫五三倚於數而成功幬載遂符乎參兩當夫日晷躔牛子維麗斗水動泉香花飛雪厚萌始含芽孽方待紐暖已候夫三重寒未消夫一九混而成物是稱羣動之宗舍以發光無名萬物之母語交錯則默會剛柔論對待則隱呈奇偶虛牟乍合鑪鎔橐籥之精闢闔

既彰戶妙乾坤之守斯固已涵至樂於無聲而納
羣生於萬有若其和之有聲抱之爲式數隔八以
相生準平三而不忒九寸九分之管以調一陰一
陽之道斯得中無爲也故宮聲可寄於四時君以
臨之故陽律可該乎羣德於以綱八紘和萬國奉
無私建有極周旋風雨羽商傳玉燭之華和洽神
人韶護寫珠囊之色我

皇上玉粹金昭聲律身度三德則又用惟精一德則咸
中是裕

功宏養化用九允懋夫

乾行

政在養人錫九彌光夫

泰祚象成協氣遠諧搏拊以流徽曲譜元音願效賡颺
而獻賦

人情以爲田賦 以題爲韻

情根心而有則田播穀以堪珍田必治而壤斯稱
沃情必理而德乃維新非種務鋤人道實通於地
道嘉禾是植教民無異於養民惟天子操育物之
權滋惟樹德知庶彙在含生之內治本因人溯夫
天賦維命人得以生體之充焉爲氣意之蓄也曰
情性本如禾蘊真精而獨美仁原似穀培嘉種而
長榮灌德水之清泠自見生機活潑拓靈臺之虛
朗依然繡壤縱橫降則有恒秀稟五行而可擷發
能中節地方一寸而堪耕是以聖人觀民志之有

方知人心之相似凜越畔之堪虞念敷菑之有以
習俗以五方而異譬赤墳黑壤之殊形識知台萬
姓而同喻稔暖黍寒之一理風以薰而雨以沐百
昌咸協於滋培南曰畝而西曰疇一德何分於疆
里其修禮也所以示深耕之則其陳義也所以揭
播種之規其講學也所以酌耘耨之法其本仁也
所以參收穫之宜螟螣是防故法制有所不廢蕘
稗必去斯精明可以有爲得其理而勃然詎假茅
蒲之用至其時而熟矣無須保介之吝是則淵乎
性地窈爾心田芸芸者雖殊其質浩浩者共樂其

天樹穀本如樹人百穫之經營有在望君况如望
歲八方之愛敬斯傳必類情以咸宜無譏舍業乃
防情而罔忒用慶逢年具吾身之內而有餘原不
因糧而告糴遵先王之法而弗過何煩破度以開
阡方今

聖天子豫澤醲敷豐功茂布重農則畝計東南膏物則
恩流雨露因斯民之利而利共瞻立我之規合天下之
情爲情不比芸人之務事先正德綜夏史以抒謨
政在養民理周官而轉賦人爲輿也洵比戶之可
封

帝曰都哉卜康年之用祚

六事廉爲本賦以題爲韻

維熙績而釐工必綜攬其條目政則期夫優優欲
每防夫逐逐激揚之典斯存察核之方允肅寓勸
懲於黜陟官必惟其人本廉潔爲楷模皇則錫之
福溯虞書二十二人之命考績之歲以三分周禮
三百六十之員弊吏之方有六時則小宰所司計
書是治覩庶職之修和以六端爲差次善之長有
取於安行能之多乃由於厯試主敬則絕夫怠荒
持正則消夫朋比樂循法也常念采蘋之章明辨
晰焉妙契治絲之意心期贊贊亦同八枋之具陳

度凜師師愈徵九德之咸事然而條分雖衆考課
維嚴玉苟含瑕無取流輝之遠水非見石終存納
垢之嫌爲端其本莫重於廉廉則一介無私而志
之清者識自定廉則百爲有主而氣之靜者神亦
恬內以潔身卓爾見敦行之素出而從政介如協
貞吉之占簠簋旣飭經濟可期大端不撓小節豈
移存之爲廉善之經於以德洋而恩普發之卽廉
能之則咸欽目舉而綱施敬以廉徵寡欲而存心
亦得正以廉著直內而方外可知潔已奉公惟廉
爲成憲之監平心析理惟廉無回遁之私體本能

清自協夫惟寅惟直道歸自守並總夫有猷有爲
是知位列垂紳職思補衮必秉範於巖巖乃呈躬
於蹇蹇如屋之有極極正而宇始無偏如席之有
方方定而隅斯可反如木之有榦榦固而柯葉必
榮如水之有源源清而支流自遠其分爲數事者
如六爻之成象各極其宜其同歸一途者如六律
之統元還相爲本斯治世所以無官邪而良臣於
以效忠悃也我

皇上澄敘官方滌滌庶務

一人端舉措之權羣策遵馳驅之路

國之肥也諧小大以奉公事盡康哉肅聯常而應度

煌煌

御論悉該公旦之精衍衍臣心用效大蘇之賦

王道正則百川理賦

以題爲韻

繫川流之順軌昭帝緒之榮昌醲化旣調於螭陴
休徵爰逮乎龍堂準之以砥其平清一揭五行之
本理之而協于極朝宗識百谷之王維治功本於
聖功道歸公正斯水監依于民監慶衍靈長原夫
水氣所融資於大造決之爲江河渚之爲潢潦澗
之爲淵泉浮之爲嶼島暨溝洫之周環與渠隄之
防保占同星好九坎明而順天之行測豈波揚四
極調而遵王之道若乃首出惟王憲天曰聖抱德
而行大亨以正積不涸而儲膏酌如源而下令擬

以貫三之量視彼淵宏迹夫畫一之功載諸清淨
蓋聖人洗心于密神樞卽在水樞而朝廷布化如
流淵鏡無忘水鏡當夫軌度修和王猷正直四海
同風羣黎徧德其挈領也若軒后之闢井疆其引
綱也若妣王之勤溝洫其察絡也若疏鑿之得漢
餘其分條也若隨刊之有伯益恃源而往洸汪咸
洽乎龐襪遵路而行汪濊允欽乎鴻則則見夫和
氣所流與道俱適鍾英既協於媼神效祉爰昭乎
川伯兩山弗阻何須夸父之移几曲長流不借巨
靈之擘接靈槎於天上竹籥浮青泛短棹於春中

桃花漲碧鷗夢蒹葭之渚自穩波濤蟹飛若木之
鄉弗驚潮汐若問江湖氣象日有萬千卽論吹濤
經營歲登三百是知高卑既奠細大無捐發於上
者感而必應衷於理者安而能遷本執中以行中
源源有本悟得一於抱一浩浩其天妥經瀆於千
條瓠歌弗發頌安瀾於萬葉棗野何填斯固禎祥
之總萃良由至德之流川觀於綠帙敷華赤文舄
美馬負錄於義年龜陳書於夏紀披洛圖而老誌
五人候風色而舟來萬里莫不嚮化中樞游心上
理疑爲佳氣占四塞之榮光澄有清暉兆千年之

德水方今

聖治光昭

皇猷遠布人抒就下之忱物識朝東之路鼇身永鎮萬
流循河海之經螭背切和億舳轉江淮之賦何俟
李尋著論遠撫洪範陳言聊同郭璞揮毫用補木
華遺句

應天以實不以文賦 以題爲韻

高下旣陳尊卑斯定惟天佑德亶元后以聰明惟
聖憲天牖斯民以視聽虞史之傳十六字道以中
該丹書之拜十七銘吉緣敬勝蓋感神惟在於至
誠而後志實徵於丕應溯王嘉之至論得哲后之
心傳臨八方而出震居五位以乘乾靈承于旅所
以靈承于帝求端于人尤必求端于天故以天稱
王隱協辰居之義亦以天繫子用專父事之權然
而大造無爲至誠不已蕩蕩者莫妙其名肫肫者
可窺其理帝謂叶文王之什歆羨無然顧誕陳太

甲之三監觀有以云爲動作吉凶之感生焉消息
盈虛天人之際微矣爲觀其深厥惟以實景夏道
之尙忠規殷人之崇質號未渙於大廷相已嚴於
爾室如穀之熟蘊仁德以中深如果之成抱真精
而內密如金玉之式度自握乎貞堅如圭璧之修
操自存乎鎮栗因心有則期勿二以勿三不見是
圖協惟精而惟一一是其德在淵微機操密勿屏雜
霸之驩虞邁王猷之穆沕篤恭無取鋪張齋戒何
須祈禱有嚴有翼惟簡在上帝之心無怠無荒以
世守前人之物爾心毋貳惟知仁義之依於其命

維新已合尊親而莫不所以天爵旣修天庥可俟
惟翼翼以延綏遂貞貞而迓祉吉能受福東鄰之
祭奚爲和乃召祥左契之操可以斯禹謨垂惠迪
之言商書表作善之旨也乃知皇矣曰帝大哉爲
君監觀有赫聲息相聞實照臨之不爽必昭事以
維勤民曰天民尙徵休於風雨位爲天位詎侈瑞
於星雲觀黍稷之馨香非同明德信陰陽之變理
不在虛文

聖天子撰體天臨資由天賦三能朗夜以占星五色彪
晨而潤露寒暑則四序循經日月則九宮順度猶

陶文毅公全集

卷五十二 文集

六

且

聖不自聖法乾馬以乘時精益求精調泰鴻而理務

皇猷允塞因瞻

文教之覃敷

天鑒在茲長仰

實心之流布

益地圖賦

以西王母獻益地圖爲韻

溯中天而尙論披古典以粵稽維重華之暨訖徧
萬國之黔黎明揚居貳室之初旣成都而成邑分
命重四官之職爰宅東而宅西澤洽光天寶籙得
神堯之授圖呈益地琳華來仙客之齋則有人傳
戴勝地近坤藏紺玉青琳之宇白雲黃竹之鄉臺
自稱瑤十里煙浮燭草府還搆玉六時雨散花香
占聖人兮中國咏彼美兮西方居十二之增城久
已瞻風而應律渡三千之弱水依然測海而來王
夫其慕德心深懷仁念人向化思前抒誠恐後方

結想於雲天忽歸神於日母似聞巷語歌遺華祝
之三欲廣輿圖煙小齊州之九念皇猷之暢沂不
隔垓埏願帝緒之榮昌請增山阜爾乃鳳綃輕舒
麝煤細噴走瑤管以霜飛掃璇毫而露灑雲連水
墨之千層金寫山河之一寸齊東西於疆索視彼
中樞闢南北於廣輪操乎左券遙分尉候往來疊
出單雙亦有江湖氣象自成千萬因藉青鸞之使
苑彼雙飛用偕白玉之儀光於九獻則見巖壑重
重林巒歷歷風雨萬山煙雲四壁羌蕃布以星羅
亦條分而縷析鴻濛鑿乎六連鼇極恢乎重譯移

非一簣曷來智叟之譏肇豈雙門莫訝巨靈之績
倘計封疆之碩畫有過軒轅卽論山海之奇聞欲
窮伯益於時玉琯呈輝瑤華告瑞文採宛委之精
簡發岫嶠之祕關河迢遞來從虎齒名邦道路蕩
平看到犬牙異地爰因土服之五千肇啟神州之
十二玉帛愜萬方之會封濬遙頒輶軒因五載之
巡變諸齊至斯遠人慕義之誠而蒲坂所以稱郅
治也我

皇上握金闕化式玉垂謨中外咸歸

帝極蜎蠕悉洽康衢

陶文毅公全集

卷五十二 文集

六

景貺昭而福茲受介

幾康敷而德遂稱符烏弋黃支職貢每殷於磨就無雷
不夜軒輶悉協乎涵濡遠惟從欲之庥風何論赤
縣共識時雍之雅化允洽黃圖

去害馬賦

以去其害馬者而已矣爲韻

維致治之良規實相通於騁圉期就範於馳驅因
豫防其齟齬爲之牧而芻是求敗其羣而害必去
升同司馬伐姦卽周禮之經轍引軒轅訪道證漆
園之語溯夫房星應瑞乾德鍾奇氣生於午象取
諸隨或驄青而騅紫亦電逐而風追兮四閑六閑
之制度別千乘百乘之等差執陟圖功利就輕而
駕彼安閑合度庶表德以稱其觀夫駿市黃金繯
纏紫貝竹耳批根桃紋激瀨雄生顧盼之中賞別
驪黃之外五花欲就躡天上之青雲一噴同驚起

地中之秋籟方歌騷牝致千駟以攸同豈有瘼螽
厯三時而或害然而鐵骨無多蘭筋蓋寡產不出
於渥洼羣詎空於冀野倘問途而跡弛德無取焉
如戀棧而齟齬鞭奚及也孳生有術占時久禁乎
原蠶夢駕是防作式宜詳於相馬所以色辨紫駢
名高白赭驂解途閒駒攻轅下不使參差自精取
舍必權奇而俶儻於以求之苟張脈而價興夫何
爲者齊毫齊力權衡自在乎良工如舞如琴操縱
一維乎大雅是其祛除允協拔取無私愛殊猶砥
跼豈駒維功匪恃乎飼秣術不盡乎馮縻騏驥爲

羣別非種而去矣驚駢必策視後者而鞭之懲隄
齧之紛紜毋令處此開驛驅之道路夫豈遠而乃
知謀馬不異於謀人相馬可通於相士維相生相
養之有方遂如衛如閑之靡已意存整刷吹求非
屑於皮毛功在剔釐驅策不關於鞭弭莅九州而
咨牧駕馭歸神武之能調六馬以臨民馳驟順帝
王之軌方今

聖天子大丙宣徽由庚咆理調樂御以
心精運德車而

猷美得時則駕士之善者登焉率驥以先馬之良者至

卷三十一
三
矣允瞻同軌於

皇衢願效賡歌於喜起

鴻毛遇順風賦

以聚精會神相得益章爲韻

聖主龍飛賢人鳩聚道既協夫順行遇乃神於揚詡乘
時共奮譬以息而相吹利見同占儼將飛而得羽
王國著爲儀之象達漸斯符天衢當鼓翼之期風
興咸覩昔王褒之製作擅西漢之詞英追馬枚而
采麗跨殷樂而筆精華國稱才會奉碧雞之使摩
空作賦先開白鳳之聲謂明良之相會必上下之
同情操風化以揚庥類既從於虎嘯運毛輶而舉
德義可取諸鴻征夫其素質凌霜鮮姿刷籟爪印
留泥翎梳卷璫數行紅蓼洲邊幾點蒼葭渚外一

飛有志本空燕燕之羣萬里從心不數鵝鵝之會
若乃悠揚轉蕙溶曳生蘋雞焚有羽鳶載非塵張
銅鳥之獵獵送黃雀之鱗鱗開煙霧於九天所積
者厚鼓陰陽於一氣不測謂神振翼而搏木垂雲
之可負得時則駕詎健翮之難伸然而吹噓有意
拂逆何常欲拔隊於雄飛全憑羽滿倘排虛而鶴
退空惜影長惟風也力順而機始速惟毛也勢借
而羽始颺值清颺兮颺颺遂軒翥兮揚揚聯水國
之主賓來思翩爾問天涯之兄弟好矣式相爾乃
響溢刁調聲摧劣崩爽比臺登曲無巷勒初肅肅

以音流漸蜚蜚而翼特兩輪之日月垂輝萬壑之
煙霞變色回頭莽蒼失鷄雀於黃蒿瞥眼冥濛駕
鵬鵬於紫塞九點齊州之隘碧宇天空十程闔苑
之遙青雲路得常夫世際唐虞才登皋益朝列鴛
班庭飛鳧舄鸞和諧玉佩之音鳳閣簡金闈之籍
遵宜鴻則翱翔元氣之流行嚶有鴻徽鼓舞神功
之翕闕惟風動期於汝翼勵在庶明知風猷攬自
維皇剔先六翮方今

聖猷布護

主極當陽鳥嚶嚶而出谷扈交交以咏桑彈琴則音宣

凱樂從律則韻叶歸昌天動而順乎人颺馳並應
令行而順於外翼附相將有意飛鳴笑鵠鵲之棲
息難名浩蕩慚鸞鸞之文章

修竹不受暑賦 以題爲韻

黃梅雨過紫棟風收槐陰午轉麥氣晨流蛙上萍
而鼓競鶯坐樹以簫柔萬縷金絲翠綰舒眉之柳
數枝火齊光生照眼之榴觀千章之秀發當九夏
以陰稠獨此君之不俗千衆木而清修猗矣孤標
翛然芳族臥濃綠以四剪拱深青而上矗萬竿文
玉之姿三品南金之目虛中久抱乎天真高節自
貞於幽獨陰連鳳尾程材而別有山林響曳鸞音
振地而不關絲竹時則丙馭熅燁午曦燠鬱輭塵
舞而冥濛火雲升而鬼蜮三庚之溽暑方滋六癸

之靈符莫乞玻瓈空憶乎泉甘瑪瑙未寒於冰炭
顧亭亭之疎影如此森然笑鞞鞞之穠華空傳鄂
不爾其氣秉鬱沈光含深黝軼向日之藿葵陋望
秋之蒲柳遠翠襲乎蒼官濃黛交乎柏友四圍冰
雪之中三月煙花之後風滿一林雲搖千畝笑封
君之得蔭美矣林泉譬佳士之同來坐諸左右捎
煙拂霧薰以引而能涼戛玉搃金心本虛而善受
則有攜榼良儔披襟勝侶夢結他山情縈別墅循
三徑以聯行憩一牀而對語深能留客此閒之佳
趣偏多刻以留詩座上之閒情幾許浮埃渾隔乎

遙空炎態不生於寂處詎俟甘瓜設會館啟招涼
已如荷葉爲筒筵開辟暑是蓋勁氣中深貞姿內
固長留太古之顏不改隆冬之素落花五月分薄
冷於江城疎雨一簾釀嫩寒於煙路况承
殿角之薰風久沐

堯天之寶露

避暑之莊旣開

迎薰之堂是駐佳品列於琪花異植參乎玉樹詩歌有
斐應陳衛國之風音矢來游勉效杜陵之賦

冬蕉卷心賦

以題爲韻

若夫巽維麗日坎陸凝冬尾捎鳳竹鱗偃虬松山
經霜而換色岸待臘以舒容四十六日之風光檀
隨燧改二十四番之花信梅欲寒衝念舊叢之霧
暗覩晚圃之煙濃無限寂寥抱寸心而如結似傳
消息緘一札而猶封則有形侔青箬種著甘蕉油
輕綠鎖蠟薄紅翹服離披而刷影氣瀟灑而分條
坐窗內之主人雨聲曾聽臥圖中之高士雪色新
描葉趁雷開尙待笋芽之迸角性偏冬暖已同麥
穗之含苗爾乃齋外流觀庵邊俯盼亞檻痕深憑

欄翠淺似纔抽灘上之蘆似未剝筐頭之繭似丁香之結猶寒似花欄之英未展似蘭葩之欲放而同心自持似蓮蕊之初生而苦心莫辨似葵心之映砌而日曝難勝似蓬心之茁秋而風飄不轉天真獨葆自南弗藉夫棘吹生意常涵空內詎鄰於施卷其含情也如慕其結思也如沈影橫空而漠漠葉積素而深深萬束玲瓏未許寒風拆看一番曲折難從暗地窺尋運實於虛知中和之在抱退藏於密何霜雪之能侵倘問號於美人義符爲窈如象形於佛手道證無心然而冬氣旣深春和欲

布林園洩紐丑之機原野暢夷庚之路團窗沁綠
應協氣於條風繞屋垂青洽

恩光於寶露因息深而達聲心事應知遂擢秀而舒英
心期可遇葉滋新雨擬編韓愈之詩氣老秋霜更
續徐摛之賦

桐生茂豫賦 以題爲韻

稽樂歌於漢志揭醴化於元功物咸滋而靡詘機
相引以無窮異小正之芑言乎拂證師古之字讀
爲通豫者樂也草木生而光悅茂者盛也勾萌達
而籠蔥布和氣於中天豈有天枝乳葉溥陽谷於
大地何論析木空桐夫其蓄芽蘖蘊菁英播韶景
藹芳情日遲遲而釀暖煙漠漠以敷榮破輕雷而
有色潤細雨以無聲一百五日之時光漸開莢甲
二十四番之風信悉暢由庚曠野晴多翦翦催春
之燕連山花發交交得氣之鶯試看芳事傳來樹

含膏而盡放更見錦紋披處草入燒以還生活色
抽新陳根冒舊蔚爾流華粲然滋茂擷濃翠於郊
原送遙青於嶺岫十里五里之隄千株萬株之圃
影不辨乎金園潤欲分乎玉寶挹萬重之野外已
拆綿苞快一夜之河邊齊開繡皺幾番養到寒輕
暖嫩之天無限催來綠滿紅稠之候維時行葦化
隆茁葭治著百昌各遂其性情萬彙悉歸於蕃庶
靈禽午囀樂岑蔚之堪栖寶馬晨行喜芊眠之可
據山環青而蓊鬱游客初來浦繞碧而連緜王孫
乍去沿溪之活水新添夾陌之香泥猶淤看密葉

與繁條望飛花而糝絮芳痕不斷天橫曉漲平時
畫意誰描人指綠雲深處記幾日光風浴曳尙見
包蒙更連番愷澤汎汪已占山豫是蓋協氣旁流
化機順布無私覆物妙和會於陰陽有道乘權徧
均調於雨露維

聖澤之湛深致羣生之煦嫗所以廚呈蕙脯之祥庭紀
華平之樹嶰筠抽節合一十二律而成聲冀焚敷
英應三百六旬而如數當

鸞輅之時巡知

宸衷之遠注光迎劍佩散翠幄於康衢色借旌旗襯重

茵於

輦路大生載德同承

御苑之春小草有心用效上林之賦